

Odüda ti detail

11.09.2013

ECODOLOMITES y SELLARONDA BIKE DAY

N fin dl'edema dediché a l'ecologia. La sabeda ai 14 de setëmber vëgnel prejentè la mobilité alternativa "e-mobility" en ocajiun dla manifestaziun ECODOLOMITES y la domènia vëgnel tigni le Sellaronda Bike Day

La manifestaziun ECodolomites vëgn metüda a jì dal Consorz Turistich Alta Badia y Val Gardena Marketing in colaboraziun cun la dita de Südtirol Letsmove, ai 14 de setëmber, cun le fin de sensibilisé la jënt a n turism ecosostenibl ti ciamp dla mobilité.

Sciöche bele ti ultims agn vëgn la manifestaziun metüda a jì cun le patrozine da pert dla Provinzia Autonoma da Balsan y dl UNESCO. Por l'ocajiun gnaràl prejentè deplü mesi de trasport electrics, sciöche les rodes eletriches, i motors, auti y bus eletrics o a idrogenn y laprò incè i ChargePoints, metüs a disposiziun dala dita Electro Clara.

Ala 4a ediziun de Ecodolomites sarale bëgn 40 veiculs che tolarà pert y da alzè fora éle incè la gran varieté di mesi. Bëgn 15 tipi desvalis de veiculs podaran odèi a Corvara en sabeda ai 14 de setëmber, sciöche le Tesla, Think City, deplö auti dla Renault, Twike, Fisker, la Fiat Panda y tröc atri. La novité de chëst ann é dessigü le minibus a idrogenn che tolarà incè pert al highlight dla manifestaziun, l'iade incèr le Sella sön i jüs Campolongo, Pordoi, Sella y Frara. Düc i mesi eletrics piarà ia dales 10.30 dal'Assoziaziun Turistica da Corvara, dô la relaziun sura l' e-mobility y le salut da pert di representënc politics. Cina da sëra gnarà i mesi eletrics metüs fora sön plaza dan l'ufize turistich da Corvara, olache an pò jì a ti ciaré.

La domènia, ai 15 de setëmber gnaràl metü a jì le secundo Sellaronda Bike Day de chësta sajun. Dales 8.30 ales 15.30 sarà i jüs Frara, Campolongo, Pordoi y Sella stüü al trafich di auti, por ti lascé lerch ai tröc ciclist. www.ecodolomites.com



Foto: Freddy Planinschek